

D. D:

100.

DISSERTATIO PHILOSOPHICA

DE

LUXU,

QVAM,

*Adprob. Ampliss. Facult. Philos. in illustri ad
Auram Athenæo,*

Sub PRÆSIDIO

HENRICI HASSEL,

Eloquent. PROFESS. Reg. & Ordin. Facult. Phil.
h. t. Decan.

PRO GRADU

Publico examini modeste submittet

OLAUS GUSTORFF.

CALMARIENSIS.

L. H. S.

Die IV. Junii MDCCXLVIII.

ABOÆ,

Excud. JOH. KÆMPE, Reg. Acad. Typogr.

Saceræ R:æ M:tis
Magna Fidei VIRO
DOMINO MAGNO
BERONIO,

Inclyt Dic: Calm. EPISCOPO Reverendissimo, Ven.
Consist. PRAESIDIÆq;vissimo Regijq;ve ibidem Gym.
& Schol. EPHORO Gravissimo
MÆCENATI MAGNO.

Qum haud ita pridem TE, Reverendissime Pater,
Praefullem suum magnis meritis omnib; que Tanto mu-
nere dignis virtutibus usque qvaque celebratissimum unanimi
omnium congratulatione exceptit Diœcessis Nostra, etiam nos
oportunam exoptavimus occasionem, qva sinceram animi pietat-
em declaratum iremus. Proinde, qum alia non suppetat ratio,
huic expromendo adfectui specimen hoc Academicum TIBI Mæ-
cenias Magne, qva decet reverentia offerimus, submisse ro-
gantes placito & sereno adspicias vulnu, quas de luxu exi-
les consignarimus pagellas. Precamur pariter, in albo
clientum locum nobis aliquem concedere digneris. No-
strarum erit partium, Supremum Numen pro TUO, Re-
verendissime Pater Nobilissimæq;ve TUÆ familiæ
perpetuo flore calidissimis compellare suspiris. Ero dum spiravero,
REVERENDISSIMI TUI NOMINIS

cultor devotissimus
OLAUS GUSTORFF.

VIRO Celeberrimo
DOMINO HENRICO
HASSEL,

Eloquent, PROFESSORI Reg. & Ordin.
PATRONO & PROMOTORI
Ætatem devenerando.

*Ex quo Camenæ Auraicas mibi salutare contigit, tanta
TUA, VIR Celeberrime, in me exstigit benivolentia,
ut sensum gratissimi mei erga TE animi non tacitae memo-
rise involvere, sed publice etiam quacunque data occasione.
testarissimum facere debeam. TU, Amplissime Domine,
moderamen studiorum meorum in Te derivari passus es Tua,
Patrone Optime, me & incognitum & immerentem cli-
entela tua dignari voluisti, & tua quidem, ut de favore
Tuo nihil desideraverim. Sinas itaque incubrations basce
& Celeberrimo Tuo Nominis nitorem accipere, per eam,
quam mibi exhibere soles humanitatem, contendeo. Quod
superest, ex intimis cordis recessibus roreo, velit Summus uni-
versi Stator, TE, cum Nobilissima TUA familia ab omni
adversae fortunae ictu, nullo non tempore sartum teclumque
conserbare, ad cineres usque permansurus*

CELEBERRIMI TUI NOMINIS

*cultor humillimus
OLAUS GUSTORFF.*

Maxime Reverendo

Dn. Mag. GEOR-

S:æ R:æ M:ti a Sacris Ordinario,

VIRO admodum Reverendo atque Praeclarissimo

Dn. Mag. CAROLO SCHROEDER,

Regiæ Aulæ Concionatori, Hist. & Mor. Lectori in
Reg. Gymn. Calmar. dexterimo, Ven. Confist. Ad-
tellestori æqvissimo.

VIRO admodum Reverendo atque Praeclarissimo

Dn. MATTHIÆ SYLVIO,

Gr. & Ebr: L. L. Lectori laudatissimo, Adtellestori Ven.
Confist. æqvissimo, nec non districtus Borealis in
Oelandia Præposito dignissimo.

Plurimum Reverendo atque Praeclarissimo

Dn. Mag. MAGNO MARIN,

Eloquent, Lectori dexterimo, Colleg. Ecclesiast.
membro æqvissimo.

Plurimum Reverendo & Clarissimo

Dn. INGONI DURENIO,

Ecclesiæ Dei, quæ in Christiwalla colligitur Pastori
meritissimo.

*V*obis, Patroni, Promotores & Fautores optimi, le-
sumi animi ob multa VESTRA VESTRORUMque in se-
iectis calidissimis pro VESTRA non interrupta
NOMINUM

cultor obser-

OLAUS

atque Praeclarissimo

GIO SCHROEDER,

Consist. Aulici Adsestori gravissimo.

VIRO admodum Reverendo atque Praeclarissimo

Dn. Mag. GEORG' WERNER,

S. S. Theol. Lectori in eodem Reg. Gymn. ad-
e-
ratissimo, Ven. Consist. Adsestori gravissimo. Ec-
clesiae Arcis Calmar. Pastori meritissimo.

Plurimum Reverendo atque Praeclarissimo

Dn. Mag. PETRO FRIGELIO,

Phyl. & Math. Lectori dexterissimo, Ven. Consist. Ad-
sestori dignissimo.

Plurimum Reverendo & Clarissimo

Dn. JOHANNI LUND,

Ecclesiarum Dei, qvæ in Kiöping & Egeby colli-
guntur, Pastori dignissimo.

Spectatissimo Domino

Dn DANIELI NORSTEDT,

Urbis Calmariensis Pharmacopolæ lauda-
tissimo.

vissimas has meditationes, in quaecunque symbolum gratis.
& suis collata beneficia inque ulterioris favoris ſem, ad-
felicitate votis, pie offert & consecrat

VESTRORM

vantissimus

GUSTORFF.

VIRO spectatissimo atque Confiduo
D:no DANIELI HOLMBECK,
Secretario Legionis Cronobergensis integerrimo,
Parenti indulgenissimo.

Ex illo tempore quo TE, Optime parens jucundissimo Pa-
tris tituto compellare contigit, tanta erga me meosque
declarare votuisti amoris & benivolentiae documenta, ut il-
lis nec recensendis, ne dum dpraedicandis par sim. Inpri-
mis, quod ore ca' amoque celebretur dignum est, nuperrimum
illud ILLUM beneficium, quo rebus meis tantum non adflictis
ita subvenire hanc es gravatus, ut iam aliqua illarum resti-
tuendarum spes mihi aofuleat. Opellam hanc TIBI, Parens
indulgentissime dicatam serena adspicias fronte etiam atque
etiam rogo. Tantum vero abest, ut vicem remuneracionis
subeat, ut si gratae multorum Iugorum beneficiorum recorda-
tionis qualecunque habeatur monumentum, vel eo nomine
me nova obligatione obstrictum esse sentiam. De caetero, TUA
erga membra sempiternae infigam memoriae, ex penitissimo
peccatore vovens, petit TE, DEUS O. M. quam diutissime supersti-
tem conservare & incolumem, in Nostrum, qvorum ex sorte
TUA fors pendet, solatum & fulcrum certissimum exoptatis-
simum. Ero dum vixero

PATRIS CARISSIMI

Filius obrientissimus
OLAUS GUSTORFF.

MONSIEUR

Mon tres cher Frere,

C'E seroit et-e bien peu de vos amis, si, vous voiant sur
le point de mettre au jour les progres considerables
de vos reilles assidues, j' etois le seul à ne vous point te-
moigner la part que j'y prens. Elle est d'autant plus gran-
de, Mon cher frere, que si les liaisons de la nature, ne
me fesoient en ce cas ressouvenir de mon devoir, mon in-
clination ne m' y porteroit éja que trop. C'est cette mê-
me amitié qui m' impose silence sur les belles qualités que
vous possedez, & pour ne point être soupçonné de flaterie,
je laisse au public à Vous donner des éloges qui ne Vous
peuvent être que glorieux. Je bornerai mes voeux à tout
ce qui peut contribuer à votre propre contentement, je veux
dire à un avancement qui Vous soit avantageux, comme
la digne recompense des soins que Vous avez donnés à la
culture des arts liberaux. Je suis

MONSIEUR

Mon tres cher Frere

Le plus sincere & le plus fidèle
de vos amis


JEAN BIRG. GUSTIORFF.

MONSIEUR.

Pour bien exprimer les marques non équivoques de Vôtre tendre amitié, il faudroit, je l'avoue, une plume plus elegante que la mienne. Je ne puis mieux, y répondre, qu'en Vous assurant du réciproque & de la joie parfaite, que je sens à Vous témoigner combien je suis sensible à tout ce, qui peut contribuer à Votre satisfaction. Ce n'en est pas une moindre pour moi de voir, MONSIEUR, que Votre savante Dissertation va couronner vos études & vous attirer les justes aplaudissemens, que tous les gens lettrés ne peuvent Vous refuser sans injustice. Permettez donc, que je Vous en felicite en me rejoignant des éloges qu'on fait de Votre vérité & de Votre capacité. Veuille le PERE DES LUMIERES répandre toujours sur vos travaux ses sources inépuisables de bénédictons. Je suis avec sincérité.

MONSIEUR

Votre très fidèle ami & très
humble serviteur
ASMUND CARLANDER.



D. D.

§. I

Per Luxum intelligimus rerum, in commercium venientium, usum ornatus & delectationis causa. Qvænam res in commercium venire debeant, ex professo docent Moraliſtæ, ad qvos B. L. remittimus. Solent hæ di- vidi in mobiles & immobiles. Ut istos intra li- mites includamus luxum, necesse est, ne a com- muni hominum judicio recedamus. Qvam enim qvis ex cœli, innumeris luminibus distincti, vel terræ, infinitis floribus vestitæ, adspicere de- lectionem sentit, & qvam alius ex aqvæ puræ & frigidæ haustu percipit voluptatem, hæc ad luxum retulerit nemo. Atqve sic de cæteris, qvo- rum inexhausta copia omnium usui sufficit; & qvæ proinde, ut proprietatem subeant nulla sup- petit ratio. Qvod ea qvæ ad conservationem vi- tæ humanæ necessaria omnino sunt, adeoqve sine qvibus homo talvus & incolumis manere non potest, ad luxum non pertineant, ex data ejus de-

A

fini-

finitione constat. Qvæ autem ad delectationem, ornatum & decus qvoddam externum faciunt, admodum sunt multa. Spectant huc impribus cibus & potus delicior, supellex varia, vestes pretiosæ, mundus muliebris, margaritæ, gemmæ, ædificia ampla, horti voluptarii, servitorum ministrorumque adparatus. Et licet servi & ministri, nostris moribus in commercium haud veniant; hic tamen præteriri non debuerunt, qvi nimirum propter ~~in~~ duntaxat adhibentur; qvamvis non tam homines in se spectati, qvam qvi illis impenduntur sumptus, ad luxum pertineant. Quid luxus sit erit manifestum, si qvis aulam splendidam, & qvæ in ea inveniuntur, cum tuguriolo rustico, & qvæ ibi occurunt, conferre voluerit; qvamvis horum vix ullum reperiatur, ubi non aliquæ saltem umbra luxus adpareat. Qvod sola rerum, delectationi inservientium, proprietas, luxum non efficiat, facile qvisqve videt. Non ideo mercatori luxum tribueris, qvia res pretiosissimas, qvas venales habet, magna copia possidet; nec aurifaci ob multa, qvæ habet vasa aurea & argentea, venumque exponit, minimum vero omnium luxus competit diviti avaro, qvi in abundantia opum genium fraudat, & partis incubat nec utitur. Neqve heic in considerationem venit, an materia luxus admodum sit pretiosa. Qvum enim suum cuique sit pulcrum, fit ut alter ad insaniam usqve ejusmodi rebus delectetur

3

tur, qvas vehementer fastidit alter. Rusticus tantam voluptatem capit ex vino adusto & qvidem infimi generis, qvantam nobilis opulentus ex Rhezano vel Burgundico. Imo luxus, viliori materie adhærens, in privatam publicamqve rem eosdem parit effectus, atqve qvi in pretiola vertatur. Qvi tenuioris fortis sunt, vilissimis rebus bona haud raro consumunt, qvum sumtibus longe majoribus ditiorum sufficient faculrates. Multitudo qvoqve vilia consumens id efficit, ut eorum luxus plus damni adferat Civitati, qvam delicatior & carior pauciorum. E. G. Si mille civium potulentis ex frumento confectis luxuriose utantur, magis id nocet civitati, qvam si decem vinis generosissimis affatim fruerentur.

§. II.

Res in orbe hoc nostro terraqveo occurrentes, qvi vel parum consideraverit, facile intelliget, præter largam earum copiam, qvæ necessitates nostras explere possunt, alias juxta dari, qvæ delectationem atqve ornatum parere aptæ sunt. Ubi cunque oculorum pariter ac mentis aciem fixeris, uberrima certe leges talium obveniet. Tria regna naturæ ceu totidem ditissimi penus, qvæ non solum ad conseruationem, sed etiam jucunditatem vitæ faciant, in te deposita continent. Minerale præter ferrum & cuprum, aurum argentum & gemmas qvoqve suppeditat Vegetabile lapidissimis cibis, variis potulentorum generibus

⁴
neribus eorumque quiibusdam delicatissimis & vestimentis nitidissimis materiam prebet. Nec minus animale subministrat, unde & palati blandimenta, & vestium splendor & multiplex ornatus paretur. Proinde, quam nihil in tota natura sit frustraneum, & omnes rerum ulus sint fines a Deo intenti, de hisce, quam jam diximus, idem statuant necessarium est.

§. III.

NE vero copiosissima hec jucunditatis pariter ac necessitatis luppellex, latebris suis recondita, rudis jaceret & neglecta, singulari pre ceteris animalibus sagacitate res naturalis indagandi & varios in usus artificiose preparandi hominem instructum voluit Optimus Creator. Quidquid enim vel terrae superficiem premit, vel ejus abditum est visceribus, vel vastum illud mare spatiofissimo complectitur sinu, vel per aera volitat, hec omnia miro cum successu humana lectari potest & invenire industria. Hec ipsi subvenit naturae, ejusque fœcunditatem multiplici molimine valet provocare. Neque hic subsistunt mortales, sed quemadmodum inventa mutentur expoliantur nobilitenturque, quo magis in deliciis haberipossint, omnem porro nec frustra excutiunt intelligentiam. Hoc satis superque demonstrat cultura variarum artium, quam heic recentere nimis prolixum foret. Qui amplas visitavit civitates & opulentas, divergissimorumque, qui ibide-

degunt, artificum numerosas oculis perlustravit officinas, qvam in delectantia ingeniosi sint homines, satis perspicue cognovit. Notatu haud indignum videtur, qvod qvo exquisitus ornamento & oblationi hominis ars qvædam effecta sua accommodare noverit, eo majoris esse soleat dignationis. Hinc aurifices, gemmarii, pictores, sculptores, statuarii, pretiosorum colorum tintores, in ordine artificum honoratiorem sibi vindicant locum.

§. IV.

INTER ALIA, QVÆ GENERI HUMANO ALTISSIME INFIXA OBSERVAMUS DESIDERIA, ILLUD, QVO IN USUM RERUM DELECTABILIORUM FERUNTUR, JURE MERITOQVE REFERENDUM ESSE COMMUNIS DICTITAT EXPERIENTIA. PRODIT SE HIC APPETITUS IN PRIMA STATIM ÆTATE, DUM NITIDA QVÆLIBET VEL SONORA INFANTES ITA ADSCIUNT, UT ET VOCE & GESTU INDICENT LÆTITIAM. QVUM PAULO INCREVERINT, QVANTAM NON EX CREPUNDIIS CAPIUNT VOLUPTRATEM? MATURESCENTE DEINDE ÆTATE, & RERUM INFANTILIUM VILESCENTE USU, ADEO NON EXTINGUITUR STUDIUM ORNATUS & DELECTIONIS, UT POTIUS CRESCENTIBUS ANNIS CONTINUA CAPIAT INCREMENTA. SI ULIBI CERTE IN ADOLESCENTIBUS VIM SUAM EXLERERE SOLET HIC NATURÆ INSTINCTUS. QVIS NAMQVE EORUM EST, SALTEM QVI ERECTIORI GAUDENT INDOLE, QUI PRÆTER MUNDITIEM NON ALIQVIS ETIAM PLACEAT ORNATUS? NEQVE HINC EXCIPENDA EST VIRILIS ÆTAS, CONSTANTIOR LICET & PRUDENTIOR, IMO NE SENILIS QVIDEM,

dem, fruendis alioquin voluptatibus inhabilior. Nec enim facile quisquam vel in hoc vitæ spatio reperietur, quem nihil adficiat, nisi quod ad conservationem ipsius absolute sit necessarium. Sexus autem feminine, ut natura delicior est, & magis ad elegantiam factus, ita sensus delectationis & ornatus in eo vividior deprehenditur. Quemadmodum insimæ tortis homines hac adficiantur cupiditate, observatione dignissimum est. Quam cupide in nundinis & alibi rustica gens ejusmodi inhiat rebus, quæ vel tantillum habent nitoris? Quid? quod sordidissimis in nationibus pauperrimisque igniculos luxus natura inditos restinguere nequeat rudis simplicitas, stupidaque rerum delectabilium ignorantia? Qui oras Africanas maritimas, promontorio Capiti bona spei contiguas, incolunt, Hottentotti vulgo dicti, natio & hodie & olim valde barbara moribus que inhumanissimis, inter alia ludicra ornamenta quæ squalidis suis corporibus accommodare solent, prominenti aurium cuticulæ longam seriem varii generis lapillorum adpendunt. Lappones hirsutis suis tunicis assuere solent fimbrias, stanneis velut filis, flexuosis orbibus implicatis insignes. Nec illepidæ sunt, quas ex cortice betulæ conficere solent pyxides, pulveri sternutatorio recondendo haud ineptæ. Et quis omnia enumerare valet exempla, ea, quæ heic asseruimus probantia? testantibus id ut iam diximus, omnis ævi, ætatis & for-

7

& fortis hominibus. Imprimis in abundantia rerum magis gliscere solet luxus, qvod cur eveniat ratio est in promptu: qvod enim natura expetit, ejus ubi copia adest, largior sequitur usus.

§. V.

Remoto, de qvo jam agimus luxu, haud paucæ artes nunquam extitissent, plurimæ frigidius omnino exercerentur, omnes vero parcissimis augerentur incrementis. Etenim, qvum haud multa requirant nostræ necessitates, & habeat natura, divitias, qvibus contenta est, & parabiles & terminatas, ad earum adqvositio nem & præparationem parum opus est artis & ingenii. Numne vestes bombycinæ, holotericæ, fimbriæ aureæ, panni auro argentoqve distincti, cæstaries factiria, & id genus alia exqvositio nis artis ornamenta, membra tectius operiunt fortiusqve vim frigoris arcent, qvam exuviae animalium aliasve rudior vestitus, inconcinnæ corpori adplicatus & inepte? Nonne contra impetum procellarum acerbitasqve tempestatis æque muniti essent homines in domunculis depressioribus, atqve in magnis substructionum molibus amplissimisqve ædeficiis? Quid est, cur ad famem depellendam extinguendamqve situm adhibeamus multa tercula, variis præparata condimentis, se potus delicatos, qvum terræ Arborumqve fructibus & aqua limpida mentam instruere possemus? Supponamus homines ul tra

ultra necessaria, in comparandis iis, qvæ ad nutritionem, vestitum & habitationem spectant, non progredi, qvod tamen consideratis hominum, qvæ jam sunt cupiditatibus, impossibile est; qvis in variis inveniendis luxus instrumentis & objectis ingenium exerceret? Nisi ex largiori consumtione frumenti aliarumqve, qvas producit terra, rerum, auctoramentum laboris haberent agricultores, laboriosa supercederent agrorum cultura. Ubi amoenissimi juxta atqve omnigenorum fructuum feracissimi nunc conspicuntur horti, ibi loca sterilia & inculta, immo horridas cerneret saebras. Sine spe lucri, ex luxu oriundi, nullus mercator currendo ad Indos vitam bonaqve anticipi crederet mari. Si præter vomeres, lecures, ferras aliaqve instrumenta, usibus maxime necessariis destinata, eaqve parum polita, ex iis, qvæ e terræ vilceribus eruuntur conficienda, nihil qvæ reretur, durum admodum fatum rei metallicæ immineret. Qvam multæ præterea artes eæqve elegantissimæ pessum irent, si magnifica non exstruerentur palatia, si picturæ pretiosæ, vala aurea & argentea & innumera alia artificiosa sphenarentur? Ut multa paucis comprehendam, agricultura, res metallicæ, fabricæ & opificia, cum singulis, qvas sibi annexas habent artibus, commercia, adeoque œconomia omnis miserandam indueret faciem. His ita positis, qvam necessarius ad industriæ alendam, ad artes, - sine qvibus ne-

con-

9

concipi qvidem potest vita exulta ; promovendas
sit luxus , manitstum esse existimamus.

§. VI.

LX allatis constat , omnia , qvæ ad debitam vi-
tae sustentationem necessario non reqviruntur ,
adeoque cultiorem ejus rationem tantummodo con-
cernunt , notione luxus diligentius evoluta com-
prehendi (§. 1.). Res qvam plurimas per tria
regna naturæ vitæ politiori & jucundiori destinatas
esse ostendimus (§. 2.). Hominibus præterea da-
ta est ingenii perpicacia & habilitas peculiaris , qva
res in hoc orbe nostro & solerter inquirere & va-
riis modis usibus suis accommodare valeant secun-
dum (§. 3.). Accedit in omnibus demum , cu-
juscunque fuerint vel ætatis vel conditionis , pro-
pensio qvædam in ea , qvæ aliquo modo ornatum
promovent , vel excitant delectationem (§. 4.).
Plurimæ deniqve artes & scientiæ , qvibus vita ex-
ulta , præstantiæ generis humani qvam maxime
conveniens , nullo potest carere modo , ex luxu e-
natæ , eodem foventur animanturqve (§. 5.). Hæc
omnia qvi conjunctim consideravetit , omnem lu-
xum non esse illicitum concedat oportet .

§. VII.

Verum , ut inter licita maneat luxus , idem cer-
tos intra limites coerceri se patiatur necesse
est . Ut enim optime servit , ita pessime domina-
tur ; qvum insidias struere soleat mortalibus , illos
que haud raro blandimentis suis eo perducere , ut ,

omnes veræ felicitatis thesauros in ipso reconditos
 jacere sibi persvadeant. Homines in hoc mundo
 positos esse, ad voluptatem ex rebus tantum sen-
 sus adficientibus percipiendam, nemo cordatus fa-
 cile admiserit. Etenim præter cæteras dores, lucu-
 lentissimum illud excellentiæ humanæ insigne, ra-
 tio, qvod ad finem longe præstantiorem sint cre-
 ati, satis superqve demonstrat. Præclarissime hac
 de re multi gentilium fenterunt. Ut alios jam præ-
 "teream Cicero lib. I. de Off. sic scribit. Si conside-
 "rare volumus, qvæ sit in natura excellentia & di-
 "gnitas, intelligimus qvam sit turpe diffluere luxu-
 "ria & delicate & molliter vivere, qvam hone-
 "stum parce, continenter, severe sobrie. Et qvæ
 beatitudo, hominis rationalis desideriis satisfactura,
 ex rebus evanidis citoqve perituris resultare pot-
 est? Qui itaqve imperio rationis excuso, se to-
 tos luxui dedunt, contra finem a sapientissimo Cre-
 tore propositum agunt, immo humanam exuunt
 naturam, ad gregem irrationalium facta transitio-
 ne. Atqve tales longe deteriorem experiuntur for-
 tem qvam bruta animantia; hæc enim deter-
 minatas libidinum suarum a natura habent oleas,
 extra qvas vagari non appetunt, illi vero, mul-
 tiplicium cupiditatum spatio emensi, exitum ad
 quietem inveniunt nusquam, adeoque vita illorum
 nihil aliud est qvam series desideriorum, altero
 alterius, nullo interjecto intervallo, occupante lo-
 cum. En vitam belluina inferiorem! Probant hoc
 netan-

nefandis suis exemplis horrenda illa monstra hominum ; qualis fuit Tiberius, quem eo adegit luxus, ut in summo honoris potentiaeque fastigio, quid valeant summa virtus, turpissima expresserit vita. Immanis Neronis, prodigalitas & luxuria totius fere devoravit Orbis Romani opes. Quid omnium helluonum & lurconum voracissimum Heliogabalum referam ? Quid Apicum ? quem omnium nepotum altissimum gurgitem vocat Plinius. Quid cæteros ? qui moribus plus quam ferinis, longe infra sortem humanam se constitutos fuisse testatissimum fecere. Ex his manifestum est, nisi in gyrum rationis coactus fuerit luxus, eundem licetum & utilem adeo non esse, ut potius tamquam res naturæ nostræ adversissima & pestifera, extra omne consortium humanum proscribi debeat.

§. VIII.

Quemadmodum naturæ hominis rationali ini-
mica est vita voluptaria, sic sanitati corporis infestissima. Etenim temperantiam & sobrietatem optimam esse panaceam, omnia univeralia medicamina, quibus querendis & suas & aliorum facultates cinefecerunt Alchimistarum multi longissime post se relinquentem, vel unicum Hippocratis medicorum principis testatur effarum: οὐ τὸ πολὺ, τὸ Φυσικὸν πολέμων. Adeat scripta Medicorum, si quis hanc, vel vulgari experientia satis comprobata, in dubium vocaverit veritatem,

& numerum morborum, ex vita dissoluta unice deductorum, inveniet tantum non infinitum. Quia vero luxuria, quæ in ingurgitationes vini adusti fertur, omnium est pestilentissima, quod de potionis hujus cum in corpore humano, tum in vita communi perniciosis effectibus ingeniose & vere scribit Anglus ille auctor fabulæ de apibus, hec adponere operæ pretium duxi, cujus verba ut illa reddidit interpres Gallus ita jacent: Rien "n'est plus pernicieux à la santé & plus nuisible "à l'activité & à l'industrie du peuple que l'inta-
"me liqueur, dont le nom *Hollandois Genever* (a) "a été racourci pour la commodité de ceux, qui "en font un si fréquent usage, & par l'esprit de "la nation, dans le monosyllabe *Gin*. Cette bois- "son enchanteresse charme dans chaque sexe le "paresseux, le désespéré & l'infirme. Elle fait que "le Gueux contemple ses haillons & la nudité "avec une stupide indolence. Remplis de cette "liqueur dangereuse, l'un & l'autre sexe s'a- "bandonnent à une joie insensée, & aux railleri- "es les plus insipides. C'est un lac enflammé, dont "l'usage met le cerveau en feu, brûle les entrail- "les, & consume les organes intérieurs. Sembla- "ble aux eaux du Léthé, le miserable, plongé "dans cette boisson, noie dans ce fleuve d'oubli "les soucis les plus rongeans, & avec la raison tou-
tes

(a) le mot Hollandois Genever ainsi que celui de Gin en Anglois, désigne de l'eau de vie de grain,

tes ses reflexions inquietantes. Ses enfans crient apres la nourriture, qui leur manque, plurent pour le froid rigoureux, qui les gele, la vue de leur maison vvide de meubles & de provisions excite leurs plaintes. Ce pere abruti est sourd a leur voix, il est devenu insensible a ce touchant spectacle. Les temperammens vifs, chaufes par cette liqueur, sont querelleux, l'exces de ce breuvage les rend brutaux & fauves. On les voit se battre pour rien. Souvent leur brutale yvresse a ete la cause de plusieurs meurtres. Les temperammens les plus fortes sont affoiblis & detruits par ces intemperances, dont les suites naturelles sont la consumtion, l'apoplexie, les phrenesies, quelque fois meme les morts subites. Comme ces derniers malheurs n'arrivent que rarement, on les meprisera ou au moins on y fera peu d'attention. Mais les maladies reelles que cette cruelle boisson producit sont trop frequentes & trop tacheuses, pour qu'on puisse les mepriser. Chaque jour a tout moment, elle ate l'appetit, elle cause diverses sortes de fievre, la jaunisse & l'atrabile, des convulsions, la pierre & la gravelle, l'hydropesie & des leucoplegmacies. His addi possunt, quae hac de re scripsit Cel. Linnæus & alii.

§.IX.

Nec adprobatione dignus est iste luxus, qui facultatum excedit modum. Docet omnis vi

vi experientia qvod ligurienti ingluvie bona sua
 strinxerint multi, qvidam nimia splendoris & ma-
 gnificentiae adfectione exhauserint, alii temera-
 riis largitionibus dissiparint, nec pauci dissoluta
 vita, qvi omnes tandem ad incitas fue-
 runt redacti. Nullam aliam subesse rationem, cur
 miseranda ejusmodi existant phænomena, qvam
 qvod nullo habito facultatum respectu, plus ero-
 garint qvam receperint, adeo in clara luce po-
 titum esse existimavero, ut qvi id non viderit,
 hic omnino cœcus sit oportet. Etenim qvi dul-
 cedinem viræ temerario sectantur studio, illi nullis
 plerumq; parcere solent sumtibus: Et qvis insatiabiles
 explevit cupiditates? Hinc perditæ & profusi nepotes,
 qvi ita jentaculo uti solent, ut ad prandium pa-
 rum, ad cœnam nihil supersit; hinc amplissi-
 morum patrimoniorum naufragia; hinc æs alienum,
 qvod per usuras quotannis intumescentes,
 residuum facultatum, si qvod fuerit, abtorbet; hinc
 nobiliorum ditorumque familiarum ruina; hinc
 denique sit, ut commoditati angustia, splendori
 miteria & infamia, ac voluptati dolor succedant:
 qvod pretium stultitiae terre solent, luxum magis
 qvam rem familiarern colentes. Ex qvibus effi-
 cirur, impetas in luxum facturos, quo constet
 ratio, expensa & accepta diligentissime ad calculos
 revocare debere; qvod optime fieri potest, si
 libidines refrænent, rationisq; jugo submittant cu-
 piditates.

§. X.

Quidquid in Civitate deprehendimus venustris & honestamenti, ex membrorum eandem constituentium, pro variis, quibus fungontur munib; variaque eorum conditione, in habitu vita; externo concinne disposita diversitate ac discrimine ordinatori dependere, adeo certum est quam quod certissimum. Hinc, qui ingenii excellentia, virtutibus magnisque pro salute Civitatis exantlatis laboribus inclaruere, ut ordinis quoque sui splendore atque ornatu, tamquam meritorum insignibus præfulgeant, conveniens est. Quapropter non posset non maxima existere confusio, si regiam magnificentiam æmularentur Proceres, quibus cedere nollent Nobiliores, hos vero imitari contenderent plebeji. Qui sic a regulis decori abludunt ordinemque ac decus externum turbant, sphæram conditionis suæ, transilientes, hi nimis quantum suam vanitatem produnt. Nimirum quum sciant, apud vulgus illum invaluisse morem, ut ex cultu externo de dignitate conjecturam faciat, eoque honoratori loco sedem ignotis assignare soleat, quo ornatori hi adpareant habitu, personatam dignitatem & existimationem ementitam a splendore ornatus mutuantur. Nec mirum, quod prudentioribus ludibrium debent, haud secus ac simia ex viis leoninis cooperta, risu exciperetur. Verum, res hæc attentius considerata calamitosa potius est

est, quam ridicula. Qum inter cives ejusmodi certamen luxus instituitur, plurima inde mala sequuntur. Multorum res familiaris perditur, quorum bona non civibus tantum, sed exteris quoque in prædam cedunt. Pauperes primum, tandem etiam divites aliquando stultæ æmulationi succumbunt. Nec defunt, qui pabulum luxui per fas & nefas quæsitum eant. Qui muneribus publicis præfecti sunt, salario prodigiis non respondentे sumtibus, quæstum ex officio facturi, venales se præbent, honores & officia, publicæ veluti hastæ subjiciunt, inque illos, qui plus licitantur, deterunt. Qibus sacra Themidis administrare injunctum est, justitiam cauponantur. Alii proditionis, expilationis, peculatus, bancirupturæ, fallationis aliisque crimibus se obstringunt. Alii subrutum censum fraudibus & imposturis tufulcire conantur. Furtis & rapinis se dedunt alii. Et quis omnes recensebit pestes, quæ ex hoc fonte proveniunt?

§. XI.

DE cancellis luxui circumponendis, quæ attulimus ad integrum jam adipicemus Civitatem, an hac etiam in consideratione restringendus sit dispecturi. Consideremus Civitatem ut magnum quoddam corpus, ex minoribus conflatum societibus tanquam membris, quæ ex singulis civibus particularum instar constant. Robur corporis bonaque valetudinem ex incolumentate atque vigore membrorum pendere quis ignorat? Hinc quid-

pendere qvis ignorat? Hinc qvod multitudo-
ni noxiū est, non posse civitati expedire sine
difficultate concluditur. Qvæ educatio liberorum,
qvæ ingeniorum cultura bonarumqve artium, qvæ
dictorum factorumve constantia, qvæ fides, ab
eiusmodi expectanda sunt hominibus, qvi Syba-
riticis inebriati deliciis, rebus vilissimis vanis-
misqve unice delectantur? Civibus luxu ad pau-
pertatem redactis, non potest non ærarium publi-
cum minui & exenterari; frustra enim ab iis tri-
buta exiguntur, qvi patrimonium intra ventrem
condiderunt, vel alio qvovis perdiderunt modo.
His pressius consideratis, facili negotio intelligi-
tur, quantum roboris illorum insit argumentis,
qvi contendunt, eundem illum luxum, qvi priva-
tis tantopere nocet, hunc civitati integræ admo-
dum utilem esse. Dicunt autem prodigalitatem
referare arcas, qvas arcte nimis claulerat majorum
parcimonia, qvæque ibi nullius vel paucissimorum
reservatae sunt usui opes, has multorum exhibere
commodo, & nummo vegetiorem dare circulatio-
nem. Inprimis ad commercia, per talem qvo-
que luxum promovenda, qvam maxime provo-
cant. Verum, qvo hæc res planior fiat, luxum
in diversa materie occupatum, in relatione ad Rem-
publicam spectabimus.

Materia luxus sunt res vel *Naturales* vel *Artificiales*.
Res naturales nobis dicuntur effecta naturæ in tribus
illius regnis; per artificiales intelligim⁹ hominū opera,

ex rebus naturalibus conlecta. Naturales sunt vel peregrinae vel *Domesticae*. Artificiales vel aliunde *innectae* vel domi *fabricatae*. Hæ iterum ex rudi materia vel *exotica* vel domi nata præparatæ. Opus quidem est haud raro industria humana ut res naturales producent; hæc vero ministrat solum naturæ producenti, nihil ipsa produceit, prout nec metallo, nec plantæ, nedum animali formando ulla sufficit mortarium sagacitas. Fit autem cœpissime, ut rerum, qvas diximus, usui nimis indulgendo adeo minuatur earum quantitas, ut incolis alendis non sufficiant; qvum tamen, si iisdem parte & sobrie uterentur, majori eorum numero satis essent. Hinc care ab exteris redimendum, qvod hunc supplet defectum. Manifestissima hujus luxus exempla habemus in Patria. Ut cetera jam prætereamus, qvam ingens copia frumenti enormi vini adusti destillatione consumitur meliorique usui subtrahitur? Qanta pecunia ad aliud, qvod perdiñ loco substituatur, comparandum ad extraneos transportatur? Si de exempli hujus veritate dubium alicui sit, consulari scripta economica recentiora, & calculum frumenti hoc modo combusti inveniet subductum.

§. XII.

Qum haud pauca reqvirat debita vitæ sustentatio, plura commoditas ejusdem & jucunditas, nec omnis terat omnia tellus; factum est, ut nulla gens, civitas nulla saltem paupero

lo cultior aliarum regionum rebus naturalibus carere potuerit; unde commerciorum emergit origo & necessitas, qvæ ad mutuam indigentiam murua juvandam abundantia, civitates instituerunt. Verum, si nimis prolixos defectus sibi finxerit aliquus populi ambitiosa luxuria, illisqve suppledis opes nimis impenderit, hic non potest non debilitari. Neque hic e longinquo arcessenda sunt documenta, luculentissima suppeditante Patria. Nimirum, consumitur apud nos singulis annis justo major copia vinorum pretiosorum, varii generis aromatum, in primis herbæ *Thee* & fructus arbo-
rei *Coffea*, faccari, præter multa alia, qvæ redimen-
da sunt ab exteris nostris rebus naturalibus, vel
ubi hæ defecerint, numerata pecunia; undecunque
destitutum corrodatur; quo ipso nos haud simplici
defunctos esse damno, jam diu, qvibus talus Patriæ
curæ cordiqve fuit, observarunt multi. Verum
consistunt commercia in permutatione rerum; in-
iquum qvippe esset postulare, ab exteris emtum
iri nostras res, si illorum emere detrectaverimus.
In promptu est responsio: Nostra non est sententia,
nullam cum exteris fieri debere mercium com-
mutationem, quo calu omne nobis periret com-
mercium, sed hanc eandem permutationem ita
moderandam esse, ut simus indemnes. Quo ma-
jorem utilitatem nobis præbent res aliquæ & diu-
turniores, eo pluris a prudentioribus æstimari
solent & debent; contra vero, qvæ parum aut

nihil veris nostris usibus sublevandis aptæ sunt; nec diu durare possunt, minoris omnino sunt pretii, saltem respectu veri, quo niti debent pretia rerum, fundamenti. Jam vero res nostræ sunt ferrum, cuprum, trabes, pix & cæteræ cum luxuriosis rebus minime conferendæ. Numne hæc "permutatio, ut verbis utar Puffendorfi, similis est "illi Glauci & Diomedis, dum pro mercibus utilissimis & qvibus alii populi carere non possunt, "nugæ adqviruntur, & materia aliorum pecunias "attrahendi inutiliter perditur. Atqve, qvum nimis avide inhiamus deliciis istis exoticis, magnamqve eorum vim continue consumimus, ad alias perpetim comparandas nostras evehimus merces: qvia vero hæ tam cito ab exteris conteri atqve adeo desiderari nequeunt, commercia nobiscum excentibus, justo freqventius majorique, qvam illis opus est, copia obtrusæ, sordeſcere incipiunt; unde & earundem pretium remittitur & minuitur, pretio luxuriosarum istarum mercium vel remanente eodem, vel etiam elevato; qvapropter parata pecunia obturandi sunt hiatus hi, immo vigem mercium commutandarum tæpenumero solus lubit nummus. Habemus heic rationem, cur librile commerciorum tam insigniter ad exteris nationes inclinet; cur cambia adeo enorimenter exturgant & intendantur; cur rari sint intra Regni limites nummi, cur deniq; merces nostras pro lubitū taxent mercatores exoticī.

§. XIII.

Non multo argumentorum adparatu opus est, ad evincendum, nimium usum rerum artificialium peregrinarum civitati esse noxiū. Habent hæ res tres pretii gradus; Primus est, qvi definitur pretio rūdis materiae. Secundus illis ex artificium labore & industria accedit, qvi primum longe ex-superat. Mercator, qvi illas ab opificibus emtas peregrinis venum exponit, suum quoqve habebit lucrum, unde tertium accedit momentum. Qvi autem externas consumunt res artificiales, id efficiunt, ut triplex hoc lucrum exteris cedat. Immo additur haud raro quartum, pretium nempe vecturæ, si exteri merces istas ipsi adportaverint. Omnia hæc a consumentibus exigunt mercatores domestici, quæstui insuper suo intenti. Exteros hoc paðo vires & potentiam adqvirere, succum vero & sanguinem civium exlugi, nemo, nisi cui lucrum privatum perstrinxerit oculos, non videt. Docet hoc multiplex experientia. Qvod enim unus populus altero ditior est, id ex artibus manuariis & commerciis repetendum. Unde Tyrus, unde Cartago opes adqviverunt ac potentiam, nisi ex hoc fonte? Vires Reipublicæ Venetæ eodem gradu atqve artes hæ & commercia, creverunt & decreverunt. Comparentur Gallia & Anglia cum semetipſis, quales erant ante excultas artes manuarias & commercia proiecta, atq; jam sunt, & opes earū non auctias tantū, sed pluries multiplicatas esse constabit. Quā noxius autem

autem sit artium istarum & commerciorū neglectus, nullo patebit luculentiori exemplo, qvam Hispaniæ. In hanc immanis qvædam auri argentiq; vis ab India Occidentali advecta est, sed cui diu ibi morari non licuit. Qvum enim artibus manuariis carerent Hispani, & nihilominus luxei strenue litarent, omnia ista regni Plutonici spolia pro rebus artificialibus ad exteriores devenerunt. Sed quid opus est exemplis peregrinis? qvum domesticum suppetat, & nimis quidem. Patriam haud ita pridem exoticis mercibus inundatam vidimus, & ante tempus aliquod necalceis quidem domi tactis utebantur nostri, adeo ut prodigiosum fere videatur, qvod non dudum omnino decoximus. Frustra sunt, qvi permutacionem mercium heic urgent; qvam iniquissimam fuisse supra probavimus. Nec periculum est, ne res nostræ naturales emiores non inveniant, vel unde nullas artificiales sumimus, modo loca mercaturæ idonea qværantur & freqvententur.

§. XIV.

OVi circa res artificiales domi fabricatas versatur luxus, præ illo, qvem nuper diximus, multum habet favoris. Hic enim accendit civium industriam artesque ac opificia excitat & alit; qvibus excultis augetur indigenarum numerus, peregrini afficiuntur, & lucrum, qvod alioquin ad exteriores emanaret, remanet intra Civitatem. Qvod licet ita sit, huic tamen luxui quoque ut statuatur modus prudens & circumspecta svadet œconomiae ratio.

ratio. Si enim licentius grassetur, justo majorem absumit rudis materiæ copiam, qvod certe, sive peregrina sive domestica fuerit, sine detimento ci-vitatis fieri neqvit. Præterea, qvamdiu artes manuariæ non dum ad maturitatem pervenerunt, sed qvæsi in infantia constitutæ sunt, si nimia sit rerum artificialium consumptio, periculum est, ne domi con-fectæ longe pluris constent qvam peregrinæ, qvæ proinde avidius importantur; manente enim insi-gni pretii discrimine, omnes furtivarum inve-ctiōnum cuniculos obstruere nulla valet circum-spectio humana. Ex his elucescit, luxum, in qua-cunque demum occupatus fuerit materia, prudenti moderatione coercendum esse, nec in infinitum ex-crescere debere.

§. XV.

NE luxus Patriæ noceret, optimi Principes du-dum fuerant tollitici; qvare leges in hunc fi-nem utilissimas condiderunt. Qyam enim levere omnes supervacaneæ impensæ in convivia, in fune-ra, in utriusqve lexus amictum & alia id genus pro-hibitæ sunt? Et cum fons omnium furtuum sit œconomia, neqve hanc negligendam esse duxerunt, Inprimis omni studio incubuerunt rei metallicæ promovendæ, qvæ proinde tantis hic auctibus cre-vit, ut vix ullibi reperiatur florentior. Accessit cu-ra navigationis, unde factum, ut & sal, & vinum, & alia mercimonia exoticæ nostris navibus fuerint adiecta. Verum, si dicendum qvod res est, multa poste-

posterioritati superfuit novæ industriæ materies, Rei metallicaæ viscera hic exedebat vermis, qvod, qvum exteri sumtus officinis ferraris exercendis necessarios subministrarent, potiorem lucri partem subducerent. Id vero tristissimum erat, qvod artes manuariæ adeo jacuerint incultæ, ut res artificiales qvam plurimas ab exteris acceperint nostri. Scilicet dabant exteris ferrum, cuprum, picem, trabes, astres & alia ejusmodi maxime necessaria; recipiebant non solum pannos fericos & laneos, sed nescio qvæ crepundia, qvibus una vanitas pretium constituit. Sic opes Patriæ in manus tradebantur alienas, & lœpe quidem eorum, qvi minus bene in nos erant animati. Ne hoc malum, qvo nullum esse potest gravius, foret perenne, S. Regia Majestas ex Regni Ordinum consilio sapienter providit. Ut jam nil dicamus de re metallica, cuius necessitatibus jam subvenire potest mensa argentaria, officinis artium manuariarum instituendis, augendis & perficiendis tantum est insudatum, quantum antea nunquam. Et, qvo melius hoc negotium succederet, publici quoque sumtus in auxilium venerunt. Ne autem nostras opprimerent officinas exteræ merces, harum tantum non omnium vetita est inventio. Hæc omnia Divina gratia eum habuerunt successum, ut Svecanæ manus, Svecis & vestiendis & ornandis jam sufficere incipient. Atqve, ne damnum adferat luxus, res voluptariæ tot sunt oneribus gravatae, ut ipsa caritas usum earum effici-

efficiat parciorēm. Præterea, & agricultura, & pīcatura & navigatio & commercia magis, exulta & longius provecta, spēm præbent, fore, ut Svecis ratio accepti & expensi tandem sit constituta. Quemadmodum boni civis est, de Summo imperio non solum bene sentire, sed merita etiam ejus ac beneficia deprædicare; ita, qvæ jam attulimus, absqve officii intermissione non potuimus præterire.

§. XVI.

A Nteqvam Dissertatiunculæ huic finem imponimus, unum adhuc, si licuerit, consilium dabis contra luxum nocivum. Nimirum, qvum inveterati morbi difficillime curentur, & consuetudines ab infantia vel adolescentia contractæ, ægerime exuantur, forte non inutile foret, si homines inde a prima ætate, a rerum superfluarum, qvæ ad luxum istum pertinent, usu arcerentur; & qvidem multa transgressoribus proposita, qvæ a parentibus vel aliis, qui parentum loco sunt, exigeretur, si officium hac in parte negligerent filiisqve vel aliis suæ fidei commissis permitterent rebus luxuriosis adiuvscere. Vel, si hoc non placeat, expensa cum usu rei voluptariæ conjuncta, ter qvater vel pluries posset multiplicari, ut multæ æqvipolleret. Neqve solum immatura ætate hoc maneret onus, sed per integrum vitam, atqve etiam si quis maturior demum factus re voluptaria uti cœperit. Sic una vel altera generatione, res istæ adeo in desuetudinem abirent,

D

ut

ut desiderium earum & memoria tandem evanesceret. Nec video quid hic obventurum sit difficultatis. Nam tenera ætas, cuius gustus prava consuetudine non dum est corruptus, quædam hue spectantia aversatur, ut tabacum & vinum adustum, cæteris, ut herba Thè & fructu arborum Coffèe facile carere potest. Qvod si vero, qvis contra rationem & legislatoriam voluntatem mordicus inhærere voluerit superfluis, eorumque usum ad seram posteritatem transmittendum esse contendenter, seqvatur ergo Luronii consilium, qvem Valerius Maximus sic loqventem inducit. Fræni
 "sunt injecti vobis, Qvirites, nullo modo perpetiendi; alligati & constricti estis amaro vinculo servitutis. Lex enim lata est qvæ vos frugi esse jubet. Abrogamus igitur istud

imperium. Etenim, quid opus est libertate si volentibus, luxu perire non licet.

Sed longius progredi pluraqve Tecum, B. L. communicare nec temporis nec facultatum permitunt angustiæ. Qvæ de nobilissima hac materia scripsimus, levi potius brachio tacta esse, qvam solide discussa, ingenue fateretur; Tu vero L. B. innoxii hisce conatibus, ut faveas, rogamus.

TANTUM.

